

Il Segner, Jesus Cristus, torna en cuort anavos sin tiara. Quei Ei in'empermischun, la quala El sez ha fatg, cura ch'El viveva avon 2000 onns aunc sin quest mund (Gion 14:1-3). Co savein nus esser dil tuttafatg segirs ch'El retuorna veramein in di? Legi las profezas, las qualas il Segner, Jesus Cristus, sez ha fatg partenent la fin da quest mund. Ina seriusa lectura da quellas scartiras, cumparegiond culs eveniments che schabegian già ozildi sin quest mund, cumprovan ch'il Segner, Jesus Cristus, vegn a turnar anavos sin questa tiara aunc duront nossa veta.

## 1 DESTRUCZIUN DIL TEMPEL

Lu ha Jesus bandunau il tempel ed in da ses giuvnals ei sevulvius viers El ed ha mussau ad El ils edifecis dil tempel e detg: Mussader, mira quella biala crappa ch'embellescha ils baghetgs cheu. E Jesus ha detg ad els: En verdad, jeu ditgel a vus, cheu vegn buc in crap a restar in sin l'auter; tut vegn destruiu completamein (Mattiu 24:1-2; Marcus 13:1-2; Lucas 21:5-6). **E quei ei veramein secumpleniu 70 onns s.J.Cr.**

## 2 ENZENNAS DA SIU RETUORN

Cura ch'El seseva sil Cuolm dallas ulivas, visavi il tempel, ein ils giuvnals Pieder, Giachen, Gion ed Andrea vegni tier Jesus ed han tschentau la domanda: Mussader, di a nus, cu vegnan quels eveniments a schabegiar? E tgei vegn ad esser l'enzenna da tiu retuorn e dalla fin dil mund? (Mattiu 24:3; Marcus 13:3-4; Lucas 21:7)

## 3 SURMENADERS VEGNAN A VEGNIR

Jesus ha rispundiu e detg ad els: Seigies attents che negin surmeini vus. Biars vegnan a vegnir en Miu num e dir: Jeu sundel il Messias. E biars vegnan a vegnir e surmenar. Ord quei motiv buca suandeis els (Mattiu 24:4-5; Marcus 13:5-6; Lucas 21:8).

## 4 UIARAS E TUNAS D'UIARA

E sche vus udis d'uiaras e prighel d'uiara; buca seschei stermentar, quei tut sto succeder aschia! Quei ei denton aunc buca la fin (Mattiu 24:6; Marcus 13:7; Lucas 21:9).

## 5 UIARAS DENTER PIEVELS TIARATRIEMBELS | FOMAZS MALSOGNAS

Ed El ha detg ad els: In pievel vegn a serebalzar encunter in auter pievel ed in reginavel vegn a sesalzar encunter in auter reginavel. La tiara vegn tschaffada da gronds tiaratriembels, da fomazs e malsognas; ed ei vegn a dar fenomens da sgarschur e grondas enzennas giu da tschiel (Mattiu 24:7; Marcus 13:8; Lucas 21:10-11).

6 Quei ei denton mo l'entschatta dallas deglias (Mattiu 24:8, Marcus 13:8).

## 7 PERSECUZIUN DILS CRISTIANS

Dei adatg da vusezs! Avon che quels eveniments vegnan a succeder, vegnis vus arrestai e surdai allas dertgiras, vus vegnis bastunai ellas sinagogas e mess en perschun e mulestai e mazzai. E vus vegnis menai, pervia da Mei, avon retgs e guvernatur. E quei vegn ad esser ina caschun da dar perdetga da Mei (Mattiu 24:9; Marcus 13:9; Lucas 21:12-13).

8 E sche vus vegnis arrestai e menai avon tribunals, fagei buca quitaus già ordavon tgei dir ni tgei risponder. Schei quei che vegn dau en a vus gliez mument. Pertgei che buca vus plideis, mobein il Spért Sogn. Jeu vi dar a vus la sabientscha. Tut vos accusaders vegnan buc ad esser capavels da cunterdir ni far opposiziun (Marcus 13:11; Lucas 21:14-15).

## 9 TRADIMENT ELL'ATGNA FAMIGLIA

E lu vegnan biars a vegnir tradi, persequitai e mazzai. In frar vegn a surdar igl agen frar alla mort; in bab siu affon, amitgs e parents; ed affons vegnan a serebalzar encunter lur geniturs e procurar ch'els vegnien condemnai alla mort. E vus vegnis odiai da tuts pervia da Miu num. Denton gnanc in cavegl da vies tgau duei ir a piarder. Cun esser perseveronts vegnis

vus da gudignar la veta per vus (Mattiu 24:9-10; Marcus 13:12-13; Lucas 21:16-19).

## 10 LA CAREZIA VEGN A SESFERDAR

Demai che la schliatadad da biars vegn a prender surmaun, vegn la carezia a sesferdentar egl intern. Tgi che vegn denton a tener la dira tochen a la fin, vegn spindraus (Mattiu 24:12-13).

11 E quei **EVANGELI DIL REGNAVEL DA DIU** sto igl emprem vegnir perdegau sigl entir mund sco perdetga a tut ils pievels e lu vegn la fin ad esser cheu (Mattiu 24:14; Marcus 13:10).

## 12 SGARSCHUR DA DEVASTAZIUN

Sche vus veseis co Jerusalem ei tschinclaus d'ina armada, lu saveis esser segirs che la devastaziun dil marcau ei cheu (Lucas 21:20). Perquei: Sche vus veseis *la sgarschur da devastaziun*, annunziata dil profet Daniel, a star el sogn liug (tgi che legia quei, duei saver capir la muntada), lu schei fugir els cuolms quels che sesanflan en Giudea. E tgi ch'ei el marcau, duei bandunar el, e tgi ch'ei silla tiara, duei buc encurir schurmetg el marcau. E quel ch'ei sin tetg, duei buca descender e vegnir en casa per tscherchar enatgei che sesanfla leu. E tal ch'ei sil funs, duei buca returnar a casa per prender sia vestgadira (Mattiu 24:15-18; Marcus 13:14-16; Lucas 17:31; 21:21). Paupras las dunnas ch'ei en speranza ni che han da tezzar affons. Urei che vus stoppies buca fugir duront igl unviern ni il di dil sabbat (Mattiu 24:19-20; Marcus 13:17-18; Lucas 21:23). Els vegnan mazzai tras la spada ni menai naven sco perschuniers en outras tiaras. E Jerusalem vegn zappitschous tras Pagauns tochen lur temps ei spiraus (Lucas 21:24).

## 13 SGARSCHUR DURONT IL TEMPS DA JACOB

(Jer 30:6-7) Ei vegn a reger *quels dis* ina tala miseria e tristezza sco ei ha aunc mai dau dapi l'entschatta dil mund tochen oz e ch'ei vegn mai pli a dar. E sche Dieus havess buca scursaniu quei temps, havess negin carstgaun surviviu. Mo per l'amur dils carstgauns, eligi tras El, ha El decidiu da far fin a quels dis (Mattiu 24:21-22; Marcus 13:19-20; Lucas 21:23). Mo quei ei lu il mument da vendetga; lu vegn tut quei che stat scret a secumplenir (Lucas 21:22).

## 14 FAULS CRISTUS E PROFETS

Sch'enzatgi di a ti: *Mira, cheu ei Cristus, mira, El ei leu!* Crei buc! Pertgei fauls Cristus e fauls profets vegnan a sesalzar e demonstrar pussonza e far miraclas ed aschia empruar da schizun surmenar ils eligi. Denton fagei adatg: Jeu hai predetg quels eveniments (Mattiu 24:23-24; Marcus 13:21-23). Ual perquei, sch'els dian a vus: *Mirei, El ei el desiert!*, serendi buc en quei liug, ni: *Mirei, El ei en casa!*, cartei buca quei. Sco il cametg sclarescha ina part sut il tschiel naven digl ost tochen encunter sera, aschia vegn ei ad esser, cu il Fegl dil carstgaun vegn a returnar (Mattiu 24:26-27; Lucas 17:23-24).

## 15 APPARIZIUNS AL FIRMAMENT

Immediat suenter *quei temps* da sgarschur vegn il sulegl a sestgirentar, la glina vegn buca pli a glischar e las steilas vegnan a curdar dil tschiel. E las pussonzas celestialas vegnan ad esser ord controlla (Mattiu 24:29; Marcus 13:24-25; Lucas 21:25). E silla tiara vegn a reger pupira e perplexadad, la mar e las undas vegnan a sburflar, ils cors dalla carstgaunadad vegnan a snarrir dalla dolor, caschunai dils eveniments, cun ils quals els vegnan a vegnir confruntai (Lucas 21:25-26).





**16** Allura cumpara **L'ENZENNA DIL FEGL DIL CARSTAUN** al firmament ed en quei mument vegn l'entira carstgaunadad a selamentar e reclamar; ella vegn a veser il Fegl dil Carstgaun che descenda sillas neblas dil tschiel, cun gronda pussonza e maiestusadad. Ed El vegn a tarmetter ses aungheis cul resun dallas posaunas ed els vegnan a rimnar ils eligi che vivan en tuttas direziuns, d'ina fin dil tschiel tochen tier l'otra (Mattiù 24:30-31; Marcus 13:26-27; Lucas 21:27).

**17** En quei mument, cura quels eveniments succedan, mirei ensiviars, alzei vos tgaus, pertgei vies spindrament s'avischina (Lucas 21:28).

**18** Ed El ha detg: Mirei il figher e tuttas plontas! Cura che las frastgas ein savurusas e la feglia catscha, lu veseis e saveis che la stad s'avischina. **Medemamein saveis vus, cura che tut quei succeda, ch'il reginavel da Diu ei damaneivels** (Mattiù 24:32-33; Marcus 13:28-29; Lucas 21:29-31). Denton sa negin, cura che quei di ni quell'ura vegn ad esser, gnanc ils aungheis en tschiel ed il Fegl da Diu; sulettamein il Bab en tschiel sa ei (Mattiù 24:36; Marcus 13:32).

**19** Sco quei ch'igl ei stau duront ils **DIS DA NOA**, aschia vegn ad esser la vegnida dil Fegl dil Carstgaun. Pertgei sco duront ils dis da diluvi, magliavan e buevan els, maridavan e vegnevan els maridai tochen gliez di, cura che Noa ei ius ell'arca e negin ha realisau enzatgei, tochen ch'il diluvi era cheu ed ha raffau naven tuts. Aschia vegn ei ad esser, cura ch'il Fegl dil Carstgaun vegn a semussar (Mattiù 24:37-39; Lucas 17:26-27).

**20** Aschia eis ei era stau dil **TEMPS DA LOT**: Els magliavan, els buevan, els cumpravon, els vendevan, els plantavan ed els

baghegiavan. Denton quei di che Lot ha bandunau Sodom, ha ei pluiu fiug e zuolper da tschiel e mazzau tuts. Il medem vegn a schabegiar, cura ch'il Fegl dil carstgaun cumpara (Lucas 17:28-30).

**21** Seregurdei dalla dunna da Lot. Tgi ch'emprova da spindrar sia veta, vegn a piarder ella, e tgi che piarda sia veta, vegn a salvar ella (Lucas 17:32-33).

**22** Jeu ditgel a vus, *lezza notg* vegnan dus carstgauns a scher en in letg; in vegn prius si, l'auter vegn schaus anavos. Dues dunnas vegn a mular ensemen; ina vegn recepida, l'otra buc. Dus umens vegnan ad esser sil funs; in vegn acceptaus e l'auter buc (Mattiù 24:40-41; Lucas 17:34-36). Ed els han rispundiu e detg ad El: "Nua, Segner?" Ed El ha detg ad els: "Nua ch'il cadaver sesanfla, leu serimnan ils tschëss (Mattiù 24:28; Lucas 17:37).

### **23 SEIGIES VEGLIONTS ED UREI INCUNTIN**

Igl ei sco in um che mass en ina tiara jastra; avon che bandunar si'atgna casa ha el surdau la responsablada a ses survients ed ha partiu tier a mintgin sia lavur. Al portaner ha el cumandau d'esser veglionts. Perquei seigies allerts, pertgei negin sa, cura ch'il Segner – il patrun-casa – retuorna; la sera, da mesanotg, cu il tgieta conta ni la damaun; sinaquei ch'el anfli vus buc en sien, sch'el vegn anetg e nunprevedidamein (Marcus 13:34-36).

**24** Vus saveis esser segirs: sch'il patrun-casa havess saviu ordavon, cura ch'il lader vegn, fuss el staus attents ed havess evitau da schar rumper en. Ual perquei sepreparei, pertgei il Segner vegn cura che nus spitgein buc el (Mattiù 24:43-44).

**25** Sepertgirei d'ina veta lischada cun surbeiber e surmagliar e duvrei buca vossa energia per ils quitaus da vossa veta da mintgadi, aschia che *quei di* tschaffi buca vus anetgamein sco in latsch. Seigies veglionts ed e urei senza calar pertgei vus saveis buca cu l'ura ei cheu. Autramein, sche vus essas buca preparai, vegnis vus ad esser surpri quei di sco da vegnir el clauder (Marcus 13:33; Lucas 21:34-35).

**26** E quei ch'jeu ditgel a vus, ditgel jeu a tuts: Seigies veglionts ed urei senza calar, per che vus vegnies considerai digns e possies mitschar da tut quella miseria ed astgies cumparer avon il Fegl da Diu (Lucas 21:36).

**27** En verdad, jeu ditgel a vus: *Questa generaziun* vegn buc a svanir tochen che quels eveniments secumpleneschan. Tschiel e tiara vegnan a svanir, Mes plaids denton vegnan a restar (Mattiù 24:34-35; Marcus 13:30-31; Lucas 21:32-33).


Sesend sin Siu tron glorius, il  
Grond Retg – il Segner Jesus  
Cristus tuorna gia fetg prest  
puspei, cun gronda pussonza e  
gloria, accumpignaus da Ses  
aungheis sogns e da Ses sogns  
Temei Diu e dei honor ad El,  
pertgei l'ura dil trument ei  
arrivada; adurei El che ha fatg il  
tschiel e la tiara, la mar e las  
fontaunas

(Palentada 14:7)

**Il Temps spetga  
buc pli!**

Il Reginavel dil Tschiel ei ussa  
damaneivels. Fagei penetienza e  
cartei a quei evangeli.

Seigies pinaus d'inscuntrar il  
Segner, tiu Diu!



*Igl Evangeli  
Dil Reginavel  
Da Diu*

Watch online through [www.angel.tv.org](http://www.angel.tv.org)

Mirei ANGEL TV  
Satellite :Eurobird 9A @9°  
Band :Ku  
Downlink Frequency :11.919GHz  
SymbolRate :27500Msps  
FEC :3/4  
Modulation :MPEG2  
Polarization :Vertical

Local Contact Address